



Concello de Vigo

**ACTA DA XUNTA DE GOBERNO LOCAL
Sesión do 6 de xuño de 2022 (1228/1102)**

ASISTENTES:

Membros :

D. Francisco Javier Pardo Espiñeira
D^a Elena Espinosa Mangana
D^a M^a José Caride Estévez
D. Carlos López Font
D. Abel Losada Álvarez
D^a Patricia Rodríguez Calviño

NON ASISTEN:

D. Abel Caballero Álvarez
D^a M^a Carmen Silva Rego
D. Jaime Aneiros Pereira
D^a Yolanda Aguiar Castro

Na Casa do Concello de Vigo, ás quince horas e trinta minutos do día seis de xuño de dous mil vinte e dous e baixo a presidencia do segundo tenente de alcalde, Sr. Pardo Espiñeira, por ausencia do Excmo. Sr. alcalde, coa asistencia dos concelleiros/as anteriormente citados, actuando como Secretario o concelleiro, Sr. Losada Álvarez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Está tamén presentes por invitación, a secretaria de Admón. Municipal, Sra. Gallardo Fariña.

A Xunta de Goberno Local adopta os seguintes acordos:

1(433).- RATIFICACIÓN DA URXENCIA.

A Xunta de Goberno local ratifica a urxencia da sesión.

Antes do tratamento dos asuntos para a súa aprobación, pola Secretaría do Goberno Local recóllese declaración expresa dos membros da Xunta de Goberno Local presentes na sesión de non incorrer en posible conflito de intereses, nos termos establecidos no modelo aprobado para a Xunta de Goberno Local por Resolución da Concellería Delegada de Xestión Municipal de data 24.02.2021, e de conformidade co Plan de Integridade na Contratación, aprobado pola Xunta de Goberno Local en data 12.12.2020, e o seu Desenvolvemento Operativo aprobado por resolución da Concellería Delegada de Xestión Municipal de data 17.12.2019.

2(434).- PROPOSTA PARA DECLARAR DESERTOS OS LOTES 1 E 3 DO PROCEDIMENTO ABERTO PARA A CONTRATACIÓN DO SERVIZO DE PRODUCCIÓN TÉCNICA DE SOPORTE DOS ESPECTÁCULOS E ACTIVIDADES DO PROGRAMA “VIGO EN FESTAS”. EXPTE. 9176/335

Dáse conta da proposta da Mesa de Contratación realizada o 2/06/2022, que di o seguinte:

6.- Apertura económica (DECLARACIÓN DESERTOS LOTES 1 E 3)

b) Procedemento aberto para a contratación do servizo de produción técnica de soporte dos espectáculos e actividades do programa “Vigo en Festas” (9.176-335) (lotes 1 e 3)

LEXISLACIÓN APLICABLE

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto lexislativo 3/2011
- Prego de cláusulas administrativas particulares do procedemento aberto para a contratación do servizo de produción técnica de soporte dos espectáculos e actividades do programa “Vigo en Festas” (9.176-335) (lotes 1 e 3)

ANTECEDENTES

Primeiro.- Con data do 21 de abril de 2022 a Xunta de Goberno local acordou aprobar o expediente para a contratación, por procedemento aberto, do servizo de produción técnica de soporte dos espectáculos e actividades do programa “Vigo en Festas” (9.176-335).

Segundo.- A Mesa de Contratación, na sesión que tivo lugar o 2 de xuño de 2022, acordou excluír deste procedemento aos licitadores admitidos no lote 1, INDUSTRIAS ORQUESTALES, S.L. e SOLIMUSIC EVENTS, S.L.U., e ao único licitador admitido no lote 3, INDUSTRIAS ORQUESTALES, S.L., por exceder dos prezos unitarios recollidos no apartado 3G do Anexo I -FEC- do PCAP.

FUNDAMENTOS XURÍDICOS

Primeiro.- A Mesa de Contratación é competente para propoñer deserta a licitación, ao abeiro do previsto no artigo 22.1g do Real Decreto 817/2009, no que se regulan as funcións das Mesas de Contratación.

Dado que os dous licitadores admitidos no lote 1 e o único licitador admitido no lote 3 foron excluídos do procedemento por exceder dos prezos unitarios recollidos no apartado 3G do Anexo I -FEC- do PCAP (motivo de exclusión recollido no apartado 7B (“As proposicións dos licitadores deberán ser, en todo caso, iguais ou inferiores aos



Concello de Vigo

prezos unitarios recollidos no apartado 3G desta FEC. En caso contrario, serán excluídas”), procede declarar desertos os dous lotes.

Á vista do exposto, propónse a Xunta de Goberno local, na súa calidade de órgano de contratación (disposición adicional segunda da LCSP), a adopción do seguinte acordo:

“Declarar desertos os lotes 1 e 3 do procedemento aberto aberto para a contratación do servizo de produción técnica de soporte dos espectáculos e actividades do programa “Vigo en Festas” (9.176-335) (lotes 1 e 3) porque os licitadores admitidos excederon nas súas ofertas os prezos unitarios recollidos no apartado 3G do Anexo I -FEC- do PCAP (motivo de exclusión recollido no apartado 7B (“As proposicións dos licitadores deberán ser, en todo caso, iguais ou inferiores aos prezos unitarios recollidos no apartado 3G desta FEC. En caso contrario, serán excluídas”).

ACORDO

A Xunta de Goberno local aproba a proposta contida no precedente informe.

3(435).- EXPEDIENTE DE CONTRATACIÓN DA PRESTACIÓN DO SERVIZO DE PRODUCCIÓN TÉCNICA SOPORTE DOS ESPECTÁCULOS E ACTIVIDADES DO PROGRAMA "VIGO EN FESTAS" PARA EVENTOS DE PEQUENO FORMATO EN DIFERENTES LOCALIZACIÓNS E ESPECTÁCULOS NO AUDITORIO DE CASTRELOS. EXPTE. 9280/335.

Visto o informe xurídico e informe de fiscalización, ambos do 06/06/2022, dáse conta do informe-proposta de data 06/06/2022, asinado pola xefa do Servizo de Festas, o concelleiro-delegado de Área e polo concelleiro de Orzamentos e Facenda, que di o seguinte:

1.- ANTECEDENTES

Con data 6 de xuño de 2022 o Concelleiro Delegado da Área de Participación Cidadá e Festas, ditou orden de inicio de expediente (artigo 116 LCSP) para a contratación do servizo de **produción técnica de soporte dos espectáculos e actividades do programa “Vigo en Festas para eventos de pequeno formato en diferentes localizacións e espectáculos no Auditorio de Castrelos**. No expediente consta:

- A xustificación da necesidade e idoneidade do contrato á que se refire o artigo 28 da Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (en adiante LCSP) asinada pola Xefa de Servizo de Festas con data do 06/06/2022 e a resolución do concelleiro delegado que inicia o expediente (artigo 116 LCSP), de data 6 de xuño de 2022.
- Memoria económica, de data 6 de xuño de 2022
- Documento económico, de data 5 de abril de 2022

- Prego de prescricións técnicas particulares (artigo 116.3 LCSP), de data 6 de xuño de 2022
- Memoria xustificativa, de data 6 de xuño de 2022, relativa aos seguintes extremos:
 - A xustificación do procedemento elixido (artigo 116.4 LCSP) resulta necesaria por tratarse dun procedemento aberto.
 - Xustificación da insuficiencia de medios (artigo 116 LCSP).
 - Xustificación da división do contrato en **2 lotes** (artigo 99.3 da LCSP).
 - Xustificación do prazo de duración do contrato e de execución da prestación (artigo 29 LCSP).
 - Xustificación do prezo do contrato, do orzamento base de licitación e do valor estimado do contrato (e o seu método de cálculo) aos que fai referencia o artigo 102 LCSP. Polo que se refire aos custos laborais de produción, tomouse como base fundamentalmente o Convenio Colectivo de eventos, servizos e producións culturais de Galicia, táboa salarialis exercicio 2022. O orzamento base de licitación deste contrato determinouse considerando gastos xerais e o beneficio industrial. Na estimación dos custos inclúense tamén os gastos derivados das obrigas de cotización a Seguridade Social por conta da empresa.
 - Xustificación de que o contrato non suporá desequilibrio orzamentario por atoparse contemplado o gasto no orzamento e que non afectará á sustentabilidade financeira do Concello (artigo 7.3 da Lei orgánica 2/2012, do 27 de abril).
 - Xustificación da solvencia que se esixirá aos licitadores entre os medios previstos nos artigos 87 a 91 LCSP.
 - Xustificación da elección dos criterios de adxudicación e da súa adecuación ao obxecto do contrato (artigo 145.1 LCSP).
 - Xustificación da non necesidade de fixar un prazo de garantía (artigo 67.2.t RLCAP).
 - Non se establecen tarefas críticas que non poidan ser obxecto de subcontratación (artigo 215 LCSP).
 - Forma de aboamento do prezo (artigo 67.2ñ do RLCAP).
 - Lugar de entrega do servizo obxecto do contrato (artigo 67,5.f e 67.7.e RLCAP).
- Informe do servizo de contratación do 6 de xuño de 2022
- Prego de cláusulas administrativas do 6 de xuño de 2022

Por todo o exposto, e previo informes xurídico favorable e de fiscalización da Intervención Xeral de conformidade co previsto no artigo 116.3 da LCP, e o documento contable, propónse a Xunta de Goberno Local a adopción do seguinte **acordo**:

Primeiro: Declarar a **urxencia** na tramitación do presente expediente. A urxencia ven motivada na necesidade de contratar na maior brevidade posible o servizo, toda vez que resultan indispensable para o desenvolvemento do Programa Vigo en Festas de Verán 2022, cuxo inicio se prevé, segundo o programa aprobado (nº 9197/335) o 2 de Xullo (LOTE 1) e o 10 de Xullo LOTE 2.

Segundo: Aprobar o expediente de contratación polo procedemento negociado sen publicidade por tramitación urxente do servizo de **produción técnica de soporte dos**



Concello de Vigo

espectáculos e actividades do programa “Vigo en Festas para eventos de pequeno formato en diferentes localizacións e espectáculos no Auditorio de Castrelos.

Terceiro: Aprobar o Prego de Prescricións Técnicas de 6 de xuño de 2022 e o Prego de Cláusulas Administrativas Particulares do 6 de xuño de 2022 redactado pola Técnica de Administración Xeral do Servizo de Contratación.

Cuarto: Autorizar o gasto polo importe base de licitación **640.659,39 €**, sendo o valor estimado do contrato de **529.470,57 €** con cargo a aplicación orzamentaria **3380.226.0906 “FESTAS DE VIGO”** do programa orzamentario do Servizo de Festas.

O orzamento desglosado para cada LOTE:

- Lote 1: 202.655,56 €
- Lote 2: 438.003,83 €

A distribución por anualidades (con IVE) é a seguinte:

- 606.207,94 € (94,46% para o ano 2022)
- 34.451,45 € (5,54% para o ano 2023)

A distribución por anualidades (con IVE) de cada LOTE é a seguinte:

LOTE 1

- 168204,11 € (83% de 202655,56 €) para o ano 2022 (20 eventos Tipoloxía I e 4 eventos Tipoloxía II)
- 34451,45 € (17% de 202655,56 €) para o ano 2023 (6 eventos Tipoloxía I)

LOTE 2

- 438003,83 € (100%) para o ano 2022

Quinto: Abrir o procedemento de licitación para a selección do contratista na forma prevista na lexislación vixente.

ACORDO

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. Presidente rematou a sesión ás quince horas e trinta e cinco minutos. Como secretario dou fe.

SGF/me.

O CONCELEIRO-SECRETARIO DA XUNTA DE GOBERNO LOCAL,
Abel Losada Álvarez.

O SEGUNDO TTE. ALCALDE (RA 03/06/2022)
Abel Caballero Álvarez